





小名録



小名錄序



平原陸

龜蒙

撰



天地萬物雜然而生聖人居其中強為之命稱以義或以形或因其自然天地取其義者也日月取其形者也鳥獸因其自然者也人既列氏賜族矣得不務佳而紀之蓋取嬰兒三月目能眴與人喜笑相答因名以分之以入生人之籍貴賤一也故傳曰子生三月之未擇吉日剪髮為髻妻以子見於父執子之手咳而名之夫告

宰曰某年某日生宰告閭史書為二其一藏於
閭府其一獻於州伯州伯命藏諸州府諸侯世
子則名而告於廟為宗主也天子則告於郊見
於天明當繼父承天也二十而冠冠而字之表
其成人也所謂名以立身字以表德也申繻曰
名有五有信有義有象有假有類以名生為信
若魯公以德命為義若文昌以類命為象若孔
子有象尼取於物為假若伯魚取於父為類若子
且不以國不以官不以山川不以隱疾不以畜

生不以器幣周人以諱事神名終將諱之故也
三代之時至殷尚質直以生日名之太甲太乙
武丁是也周以伯仲次之太伯仲雍叔達季歷
是也自周以降隨事而名之至有黑臀黑肱之
鄙羊肩狐毛之異負芻之賤禦寇之彊杵臼蘧
蔭完頑狂狡無忌不壽不臣皆名不正而言不
順也魯叔孫莊叔之敗狄也以虺豹名其子晉
穆姜以條之後生太子命之曰仇其弟生又以
千畝之戰命之曰成師師服曰異哉君之名子

也始兆亂矣漢靈帝名二子曰史侯董侯既立
為帝矣後皆退為諸侯之應也如此則吉凶悔
吝於是乎皆在古人生而名之長而行之尚存
其樸也末世浮偽日生幼雖行於閨門長不達
於州里故有官名小名之別苟不因事而載之
則幼之名沒然不聞於後矣彼吉凶悔吝何從
而知之今自秦漢以來編而紀之至於神仙玉
女之名婦人臧獲之字亦無棄焉及名涉怪竒
近於圖讖者亦附于內謂之小名錄夫近者詳

遠者畧勢使然也其間遺落請俟博聞

小名錄卷上

秦始皇二十六年兼并天下定郡三十六海內
一統議立號除謚法自稱始皇以一世二世至
于千萬世三十二年因奏鬼神圖書事曰止秦
者胡乃使蒙恬興兵三十萬北築長城以備胡
三十七年始皇出遊丞相李斯與少子胡亥從
西至平原津始皇病七月崩於沙丘丞相李斯
立胡亥矯賜太子扶蘇死是為二世趙高殺之

於望夷宮而立子嬰遂亡秦者胡於斯驗矣

漢吕后名娥姁皇太后武帝即位尊太后母成兒為平原君

武帝名驚元帝之子以宣帝之世生於甲觀書

堂號曰世嫡皇孫宣帝愛之因曰太孫常置左

右司馬相如字長卿母少字之曰犬子長好讀書

學擊劍慕蔭相如乃更名魏志管輅別傳曰輅

年十五瑯琊太守單子春欲見輅父遣造之輅時

春田此年少戲有才器聽其言論似司馬犬子

遊獵之詞其礪砢壯雄英神以茂必

能明天文地理變化之數果如其言

揚雄之子小字童烏九歲與子雲論玄

匡衡字稚圭少勤學家貧邑有大姓文不識家

富墳籍衡乃為客作而不求直主人恠問衡曰

願得主人書徧觀之主人感歎遂給書衡能說

詩時人語曰無說詩匡昂來匡說詩解人願昂

衡小字也其畏服如此顏師古曰昂正也

齊天子倉令淳于公有罪當刑以無子為嘆少

女緹縈感激上書願沒入官婢以贖父刑天子

隣其意為除肉刑改定律令
成帝元始中有渭城小女陳持弓年九歲走入
城門入未央宮內尚方掖庭殿門門者皆莫見
至鉤盾禁中乃覺
初武帝為太子時長公主欲以女配帝尚小長
公主指女問帝曰得阿嬌好不帝曰若得阿嬌
作婦金屋貯之公主大喜乃以配帝是曰陳后
阿嬌小字也
東漢世祖諱秀字文叔初南頓君為濟陽令而

世祖生是歲嘉禾生縣界大熟因名秀按此卿
名也當時尚質故讖言劉秀作天子二十一祖
長遂不更改耳亦自負焉

皇后郭氏真定人父昌真定恭王以女妻昌昌
早終其妻號曰郭主好禮節儉以王女之富乎
常執作女曰聖通有寵生皇子強况以為城門
校尉封綿曼侯况皇后弟也賞賜甚厚京師號
為金穴
赤眉立劉盆子為天子初有說赤眉建立宗室

以行誅伐乃求得景王後七十餘人唯盆子最親盆子年十五歲被髮徒跣見衆拜已恐怖欲啼盆子故武侯前子王莽為家人赤眉過畧式盆子在赤眉中為劉俠卿牧牛盆子既立猶朝夕拜俠卿俠卿為之跪後祠景王於北郊使盆子乘鮮車大馬軍中牧兒皆隨車觀曰盆子在是中祠後復歸俠卿所時欲出從牧兒戲侯卿怒止之樊崇等亦不復侯視也

班昭家惠姬曹二世叔妻彪之女也大家集云

穀為陳留長大家隨至作東征賦初大將軍梁商獻美人於順帝姓友字通期帝以歸商商不敢留而出嫁之冀即遣客追盜通期還會商亮冀行服於城西廬常與之居冀妻孫壽梁紀之甥也伺冀出即多從蒼頭追私通期歸始掠之因言當上書告之冀大恐頓首請於壽母壽不得已而遂幽閉通期後冀復私召往來生子伯玉蓋不敢出壽知之使其子河南尹胤械友氏家冀恐壽害伯玉常置複壁中至年十五冀被誅乃出

壽甚美而善為妖惑好為墜馬髻愁眉啼粧折
腰步齟齬笑性鉗忌能制冀冀不敢違冀愛監
奴秦宮官至太倉令得出入壽每往來屏遇者
私語遂與宮通威振百寮刺史二千石冀於洛
陽城門內起甲第而壽於狹街起宅與冀相高
作陰陽殿連閣通房魚池釣臺梁柱門戶皆銅
杏紵漆青瑯丹墀刻鏤為雲氣又采土築山十
里九坎以像二嶠窮極妙麗金玉明珠充牣其
中冀與壽夜乘輦張羽蓋飾以金銀遊戲第中

賓客詣門不得通謁謝門者門者累千金冬十
月冀與壽及諸子相隨遊獵諸苑中縱酒作倡
樂冀胡狗封襄邑侯壽為襄城君

梁冀之誅太尉李固也郡縣承旨殺固二子憲
公李公初並為長吏聞固策免皆棄官歸固知
禍將及乃命二公將小子燮還鄉固女文姬淩
泗曰李氏滅矣密與二公謀共逃宣言還京師
矣鄉人信之後二公果受害王成者固之僕隸
也文姬厚為其資以燮屬成曰君執義於公家

為日久矣是以臨危託君六尺之孤若李氏復存君之名義齊於陳杵成然義士乃將爨徐州變姓名為酒家僕賣卜於市會赦得免成亦病卒爨厚葬之爨既歸文姬涕泣曰先公騫為漢忠臣然梁氏暴虎今爾幸全血祀豈非天乎宜杜絕衆人不然禍重至矣爨敬從卒以獲免爨學行才藝亞固官至京兆尹

傅爨字南容性剛直不為權貴改節出為漢陽太守時冀郡羗反進圍郡城胡騎數千在城外

如頭欲令爨弃官歸鄉里爨子幹年十三亦曰願大人歸鄉里爨慨然而難呼幹小字曰別誠汝知吾心耶聖達節次守節伯夷不食周粟仲尼以為賢生亂世何處求生汝其免之魏大祖見幹年八歲時甚奇之及為司空幹小子召為尚書郎

彭寵之叛家數有變恠堂上聞蝦蟇聲在火爐下鑿地求之不得木莖多言兵從中起寵奴子密等三人謀劫寵是日寵齋便室晝臥三奴共

縛寵從呼諸奴婢以寵教責問便收縛各置空
室中以寵聲呼其妻妻入室見縛驚曰奴反耶
粹妻頭擊頰趣為諸將軍辦裝兩奴將妻入取
物一人守寵寵謂守奴曰若小而素所愛也
為密所迫脅耳解我縛出閣則活矣用女妻汝
家中財物悉與汝小奴意欲解之視戶外子密
遂不解使妻縫繡囊解寵手令作教告城門令
子密等出勿稽留書成斷寵及妻頭置囊中馳
詣闕封密為無義侯

魏武帝曹操字孟德一名小字阿瞞故有曹瞞
傳南陽許悠字子遠少與袁紹及太祖善官渡
之役悠諫紹勿與太祖爭紹不從乃往詣太祖
紹破走及後得冀州悠有功焉悠恃勲勞時與
太祖相戲每在座席不自限至呼太祖小字曰
阿瞞卿不得我我不得冀州太祖笑曰汝言是
也然內嫌之其後行出鄴東門悠顧左右曰此
家不得則不得出入此門人有白太祖太祖遂
誅之

驍騎將軍秦朗字元明新興人父宜祿為呂布使詣袁術袁術妻以漢宗室女其妻杜氏留下邳布之功圍關羽屬請於太祖求杜氏為妻太祖疑其色及城陷太祖親見乃納之朗隨母蓄于公宮太祖甚愛之每座席謂賓客曰豈有人愛假子如孤者乎歷文世無尤明帝即位為驍騎將軍帝以為親愛每顧問之多呼其小字曰阿鱗一本數加賞賜文德郭皇后少清慧父永奇之曰吾此女女中

王女遂以女王為字早失二親遭難流離在銅鞮侯家太祖為魏公時得入東宮文帝所愛美人姓薛名靈芸靈芸年十七容貌絕世時文帝選良家子以入六宮靈芸別父母升車以玉唾壺承淚壺皆絕紅色帝遣文車十乘以迎靈芸芸其京十里帝乘彫玉之輦以望車徒之盛嗟曰昔言朝為行雲暮為行雨今非雲非雨非朝非暮因易名為夜來夜來妙於針工非夜來裁製帝不服也宮中號為神針

關內侯鄭小同玄之孫也玄別傳曰玄有子為
孔融吏舉孝廉融之被圍往赴為賊害有遺腹
子以丁卯月生而玄以丁卯歲生命之曰小同
長遂名焉

李通字文達江夏平春人也小字萬億勇冠三
軍為太祖所知卒謚剛侯
臧霸字宣高泰山人也聞中起霸後陶謙擊破
之拜騎都尉遂收立於青徐間與孫觀吳敦尹
禮並聚眾霸以兵助呂布布敗歸太祖太祖善

之霸一名寇奴孫觀名嬰子吳敦名黯奴尹禮
名盧兒觀官至青州刺史從征孫權為矢貫足
力戰不顧

曹爽之專政也其黨何晏鄧騭丁謚爽敬之言
無不從于時謗書謂臺中三狗二狗崖柴不可
當一狗憑黠作狙囊三狗謂何鄧丁黠爽小字囊
其意言三狗皆欲齧一者謚或以人名詔香故
有朝妹香紫華香儷居香洛實香亮每遊與同
席又以香名前後相次詔所居屋為思香媚寢

孫權末臨海羅陽縣有神自稱王表羅陽今周旋民間言語飲食與人無異然不見其形有一婢名紡績權遣中書郎李崇賁輔國將軍羅陽王印綬迎表表隨崇俱出所歷山川遣紡績與神相聞崇與表至權立茅舍於蒼龍門外數使近臣賫酒往表說水旱小事往往或中後主孫皓字元宗一名彭祖字皓宗或云彭祖小字也。蜀劉封者本羅侯寇氏之子長沙劉氏之甥也先主至荊州未有繼嗣養為子封年二

十餘有武藝氣力過人將兵與諸葛亮泝沔西上所在戰克益州既定以封為副中郎稍遷副將軍後與孟建會兵上谷封與達忿爭不和封奪達鼓吹達懼乃發表辭先主率所領降於魏文帝以達為建武將軍平陽亭侯與徐晃共襲封達與封書曰足下與漢中王道路之人耳親非骨肉而據權勢義而死軍臣而處上位征則有偏任之威處則有副軍之號遠近所聞也自立阿斗已來阿斗後主有識之人相謂寒心今

足下棄父母為人後非禮也知禍將至而留之
非智也見正不迴從而疑之非義也號為丈夫
為此三者何所貴乎以足下之才棄身來繼嗣
羅侯不為背本也北面事君不為棄舊也恐不
為亂以免凶不為徒行也封不從先主責封侵
凌諸葛亮勸除之於是賜封死歎曰恨不用孟
子度之言先主亦謂流涕襄陽耆舊傳曰習竺
與劉升在公魏志載明帝破諸葛露布云劉備
安同硯席背恩自竄巴蜀諸葛亮棄父母之國阿殘賊之

黨神厚備毒惡積身滅亮外慕立孤之名而內
貪禮之實斗之兄弟守空城而已

晉愍太子名遹字熙祖惠帝長子娉王衍小女
字惠風其將廢也有童謠曰南風烈烈吹白沙
南望望國鬱嵒我千歲髑髏生齒牙南風賈后小
字也白晉行沙門太子小字魯賈謚因言太子
遭賈后與謚相危之酷也

齊獻王攸字猷少岐嶷及長清和平易清賢好
施愛經籍能屬文善尺牘世推才望出武帝之

右景帝無子命攸為嗣及帝崩攸年十歲哀慟
左右武帝踐祚時朝廷草創攸惣統軍事撫寧
內外莫不影附焉初文帝昭寵攸每見輒撫床
呼其小字曰此桃符座幾為太子者數笑及帝
寢疾慮攸不安為武帝叙漢淮南王魏陳思王
故事而泣執手以授帝後為荀勗馮統所怨譖
之太康三年乃下詔以攸為大司馬都督青州
諸軍侍中如故攸知勗等構已憤然而薨每就
人借書必手刊其謬然後反之謂明太后將崩
武帝曰桃符

性急汝宜
私之矣

○石崇字季倫渤海清河人苞之子

生於青州故小字齊奴苞六男崇是小子苞臨終

分諸子財獨不及崇其母為言之苞曰此兒雖

小大能自得拜黃門累遷荊州刺史劫商致富

征虜將軍崇有別館在河陽之金谷澗一名梓

澤諂事賈謐與潘岳為二十四友有水碓三十

餘區蒼頭八百餘人崇有愛婢曰綠珠美而工

藝孫秀欲之使人求焉崇館於北邙下方登清

涼觀臨清水使者以告崇出婢妾數十人以示

皆蘊蘭麝被羅縠曰任以擇使者曰君侯服御
麗則麗矣然受命取綠珠崇勃然曰綠珠崇勃
然不可得也使耆再三崇不許遂以告秀秀誅
之崇復有愛婢名翔風魏未於胡市買得年始
十歲至二十遂有容色妙別玉聲觀色石氏之
富瑰寶皆殊方異國所得莫辨其處翔風別之
皆出人地崇艷麗者數千翔風以文詞擅愛珠綠
弟子宋緯國色善吹○王濬字士治私農人也
簫後入秦明帝宮中小字阿童為益州刺史時吳中有童謠曰阿童

復阿童銜刀浮渡江不畏岸上虎但畏水中龍
羊祜聞之乃表濬監益州加龍驤將軍竟平吳
謠言驗矣

賈充字公閭娶李氏名婉淑生二女一曰褒裕
二曰荃裕李氏父豐被誅李坐流徙充復娶陽
城太守郭配女槐妬忌甚李氏會赦得還帝特
詔充置左右夫人充詔荅謙充不敢當其實畏
槐也荃為齊王妃每號泣請充省李氏竟不往
充有兒名黎名生再周充自外入乳母抱而在

中庭兒見充喜笑充就憐之槐遙見謂充有私
乃殺乳母兒啼不飲他乳遂死槐亦終身無子
郭氏一 ○瑯琊恭王覲妃小字銅環生元帝先
字玉璜 有識云銅馬入海建業期後元帝果興於左江
王戎字濬冲瑯琊臨沂人祖稚父渾阮籍素與
渾友年十五在郎舍籍每過渾俄頓輒去過視
戎良久方出謂渾曰濬冲清當非卿北與卿言
不如共阿戎談鍾士季目王安豐曰阿戎阿戎
解人語

阮咸字仲容性任誕不拘小節私姑家之絡婢
姑陟居初云留後乃携去咸時居喪聞之借客
廬追之達騎而返獲譏於世廢棄者久之及字
之生也其姑取王延壽魯靈光殿賦語曰胡遙
集於上楹乃字曰遙集仲容每嘆曰我雖失三
公然得集

王凝之妻謝氏道韞安西將軍爽之女也初適
疑之還甚不悅叔父安曰王郎逸少子惡汝何
恨耶答曰一門叔父則有阿大中郎群從兄弟

復有封胡羯末

封胡羯末謝玄用四小字

不意天壤之中乃

有王郎謝太傅

安寒日內集兒女論文義俄而

雪驟公欣然曰白雪紛紛何所似

字曰散鹽空中差可擬兄女道韞曰未若柳絮

因風起公大笑樂胡字長度安次兄據

謝胡兒語庾道季歷丹陽尹中領軍之子諸人日

暮歆就鄉談可堅城壘庾曰若文度王坦之字來我

以偏師待之康伯韓來濟河焚舟矣胡兒作者

作郎當作王堪傳不譜堪乃謔太傅太傅答曰

世曹堪亦被遇堪烈之子阮千里姨兄弟潘安

仁中外安仁所謂子親伊姑我父惟舅是許元

婿

謝公因子弟集聚問毛詩何句最佳道稱曰昔

我往矣楊柳依依令我思來雨雪霏霏公曰訂謨

定命遠猷辰告此句偏有騷人深知過云過年

少時好着紫羅香囊垂裏手大傅患之而不欲

傷其意乃謔與棊賭賭得乃燒之

桓宣武作徐州時謝奕於晉陵先桓經度懷而

無異常及桓遷荊州時面之悟間意氣甚篤矣弗
之疑唯謝虎子據小字婦王據取太原王悟其
旨每日桓荊州用意殊異必與晉陵俱西矣俄
而引奕為司馬奕在溫座席岸憤嘯詠宣武曰
我方外司馬
謝虎子常在屋燒鼠胡兒既無由知之聞人道
有此者戲之非復一過太傅既了知亥不知因
語胡兒曰世人以此謗中郎亦言共作此了仲
及案世有兄弟三人即謂弟二曰中今據兄弟

有五六而以據為中何也當是有三時以中為
稱閨門之日仍來復改故云胡兒燠熱一月齋
不出太傅靈托引已以相關悟可謂德教矣
桓冲字幼子彞之子溫諸弟中最淹識有武幹
甚器之及彞止弟兄並小家貧母患須羊以解
無由得之溫乃以冲為質羊主甚富言欲為質
幸為養買得郎冲小字及冲為江州出射羊主
於射堂邊看冲識之曰買得也遂厚報之冲性
儉素嘗浴後其妻送以新衣冲怒促持去其妻

田衣不輕新何緣得故冲受而服之

桓玄字敬道大司馬温孽子其母馬氏嘗與同

輦夜坐月下見流星墜銅盆中如二寸火珠固

然明淨競以瓢接取獨馬氏得而吞之若有感

遂娠及生玄有光照室占者云此兒生有奇輝

宜字為天宣武嫌其三文復言為神靈寶猶復

同三既歎重前却減神一字名靈寶桓南郡被

召作洗馬泊船荻渚王大王大忱小字巴服散已小醉

往看桓桓為設酒或云忱王大能冷飲顧左右

令温酒來桓以手中掩淚王求去因謂王曰犯

我家諱何預卿事王嘆曰靈寶故自達語林曰玄木立

忌日止五忌時其達桓循少為玄所侮每言論

而不拘皆此類也常嗤鄙之循深以為憾及玄將篡欲於母庾夫

人許襲玄庾曰靈寶視我如骨肉忍相圖耶循

乃止循小字阿厓

劉毅字希樂彭城人破桓玄以功都督淮南五

郡軍事豫州刺史封南平郡開國公都督宣城

軍事初桓玄在南州起齋悉畫盤龍齋毅小字

盤龍至是居焉

桓石虔小字鎮惡豁之子有材幹趨捷絕倫從

父在荊州於獵園中有猛獸被箭而伏諸督將

素知其勇戲令拔箭石虔亦跳高於獸獸伏復

拔一箭以歸有患瘡者呼石虔來疾者多愈虔

十八九未被舉童
幹常呼為鎮惡郎

褚爽字茂私河南人太傅裒之孫祕書監詔之

子太傅謝安見其少歎曰若期生爽小不佳我

不復論事及長果俊邁有風氣好老當世榮譽

弗之屑也唯與殷仲謀

遷中書郎始興大

守

王悅字元達坦之子王恭隨父在會稽王大悅

字都來拜墓恭父蘊恭暫往墓下看之二人素

善遂十餘日方還父問故多日對與阿大語蟬

連不得歸因語之曰恐非尔之友終乖愛好後

為王緒所間終成怨隙果如其言

司馬太傅為三王目曰孝伯亭亭直正阿大羅

羅請疎王恭始興建武甚有情後遇表悅之間

遂致疑隙然每有與會故有相思時恭常行散
至京口射堂于時清露晨流新桐初發王因嘆
曰王太故自濯濯王恭後會稽還王大看之見
其坐六尺簟因語恭曰東未故應有此物可以
一領與我恭無言及王大去後舉所坐簟送之
既無餘席便坐薦上大後聞甚驚曰吾本謂卿
多故求取對曰大人不悉恭恭作人無長物
王澄字平子高風不群曠達獨傲每聞玠談名理
輒絕倒人曰衛玠談道平子三倒後王敦為大

將軍鎮豫章玠避亂投敦與之談彌日信宿敦
曰昔王輔嗣吐金聲於中朝此子復王振於江
表微言之緒絕而復續不悟永嘉之末復聞正
始之音阿平澄小字若在當復絕倒矣
王衍嘗為天下人士題目曰阿平第一子嵩瘦
第二處仲第三敦王孝伯恭字問王大曰阮籍何
如司馬相如王大曰阮籍胸中礪礪故須酒澆
之王佛大笑曰三日不飲酒便覺形神不復相
親謝遏夏日常仰臥謝清晨卒來不暇著衣跣

出房外躡履問訊公曰汝可謂前踞後恭也
謝太傅未冠時始出西王長史濠興清談良久
去後荀子王脩小字問曰向客何如尊長史曰向客
疊疊為來通人濠之子
許祿少時人以比王荀子許大不平後因會稽
西寺講王理遂屈僧意在瓦棺寺中王荀子來
與共語使曰唱理便謂王曰聖人有情否王曰
無重問聖人如桂耶王曰如籌筭耳雖無情運
之者有情意曰誰運聖人也荀子不得答而去

庾統字長仁衛將軍懌之子也少有令名仕至
尋陽太守簡文目庾赤玉省率除理謝仁祖常

云庾赤玉胸中無宿物

統小字赤玉

王坦之弱冠與郝超俱有重名時人謂之語曰

威德絕倫郝嘉賓江東獨步王文度嘉賓超小

字

超字景興高平人司空愔之子

超少有才氣越世邁俗常檢

語曰大才槃槃謝家安威德日新却賓桓公語

曰嘉賓阿源

殷浩

小字河源

有德有信向使

便作令僕足以儀刑百揆朝廷用違其才耳嘉

賓欽崇釋道安德問向來千斛脩書累帙意寄
殷勤道安直答云損未猶覺有待之為煩

郝嘉賓書與袁虎字宏小戴安道謝居士云恒任
之風當有所引耳以無常以此激之

范啓與嘉賓書曰子敬舉體無饒縱掇皮無餘
潤郝答曰舉體無餘潤何如舉體非真也范性

矜假多煩嘲之郝融小字倉融即嘉賓弟也郝
司空拜北府舊徐督以東為稱晉氏南遷徐州

起自此王黃門刺史王舒加北中部將北府之号
子徽猷字詣郝問云應變將畧非其

所長驟詠之不已郝倉謂嘉賓曰公今拜子猷

言殊不遜深不可容嘉賓曰此是陳壽作諸葛

亮評人以汝家比武侯

王臨之字仲產樸射彪之子位至東城太守王

右軍我家阿林臨之小字清章太出

郝恢字道胤小字阿乞王子猷詣郝雍州州在

內見有氍毹云阿乞郝得物勅左右送還家郝

出覓之曰向有大力者負之而趣郝無忤色

王胡之子循齡清約以風操自居才器率眾舉

有秀悟小字阿齡謝太傅語劉長卿曰阿齡於
此事欲大屬劉曰亦名士之高操者也王蘊恭
之父也小字阿興世稱荀子秀出阿興清和
王珣字元琳小字法護一云阿苾謝公領中書
監王東亭有事應同上省王俊至坐侵王謝雖
不通太傅猶歛膝容之王神意甚閑暢謝公傾
目還謂劉夫人安娶沛國劉耽女曰向見王苾
故自未易有雖不相關正自使人不能已王珉
字季琰珣之小子小字僧珍有才藝善行書名

出几故有語曰僧珍難為兄法護難為弟累遷
侍中中書令王大為吏部嘗為選草臨當奏王
僧珍來即出視之僧珍得便以已意改易所選
者近半主人甚以為佳即寫更奏
僧珍謝車騎立共集王小奴許小奴小奴僧珍
奉酒勸謝云奉使君一觴言曾為徐州謝曰可
爾僧珍勃然起作色曰汝故吳興溪中釣碣耳
何敢侮張玄叔父曾守吳興玄少謝徐撫掌而
笑曰衛君珍殊不肖者乃凌上國

提婆初至僧伽提婆罽賓為王東亭弟講阿毗

曇晉言無始發講才半生珍便云都已曉即於

坐分數四有意道人便就餘屋自講竟東亭珣

問法門道人曰弟子都來未解阿珍那得已講

所得云何尤徂色

吳孫權步夫人臨淮陰淮陰以美麗得幸生二

女長曰魯班字虎前配周瑜子循後配全琮少

曰魯育字小虎前配朱據後配劉纂

孫休字子烈權第六子即位立子禪為太子乃

下詔入曰人之有名以相紀別長為作字憚其

名矣禮名子欲令難犯易避今為四方作名字

太子名音如靈音如灑音如次名音如虎音如

之字音如霽音如次名音如寬音如字音如熒音如

舉次名音如虎音如字音如熒音如此都不與

世所用同故鈔舊文今造此字既不相配又字

但一廢易避也普告天下咸使聞知此名附于

此

孫亮字子明權少子權薨即尊號亮有愛姬四

人皆振古絕倫一名朝姝二名麗居三名潔華
四名洛寶又作綠瑤瑤屏風甚薄而徹每月下
清夜舒之使四姬坐屏風內而外望之如無隔
唯香氣不通耳為四姬合四氣香皆異國所出
香氣在衣歷年猶盛百濯不歇因名百濯香門
曰大畧全是故未當有精覈耳
王恬字敬豫小字阿螭少好武不為文公所重
丞相每見長豫執則喜見敬豫則瞋阿螭基為
中興第一

謝公嘗與謝萬共出西過吳阿欵相與萃王恬
所^{姑時為吳}太傅曰恐汝不必酬汝意不足爾
萬猶苦要太傅堅不迴萬獨往坐少時王便入
內謝殊有忻色以為厚待已良久乃沐頭散髮
而出亦不坐仍據胡牀在中庭曬頭神氣傲邁
萬無相酬對意於是乃還未至船乃逆太傅曰
阿螭不作蠶

王彭之字安壽小字虎狔彪之字叔武小字虎
犢皆彬之子彪之年二十髮皓白時人号為王

白髮為會稽內史豪右斂手是時桓溫廢海西
公百寮莫知所為彪之謂溫曰取霍光傳來禮
度儀注定於須臾歎曰元彪不當如是也

王右軍在南丞相與書每歎子姪不令云虎
虎犢還其所如

王司州胡嘗乘雪往王螭許司州言氣有小相
忤逆於螭螭便作色不怡司州覺惡便舉牀就
之持其臂曰汝詎復與兄老計也螭撥其手曰
冷如鬼手強來捉人臂

王文度第阿智王度之不翅年長而無人與婚

孫興公有一女小字阿桓亦僻錯又無嫁娶理

綽因詣文度求見阿智既有便揚言此定可殊

不如所傳邠至今未婚我有一女但吾寒士不

宜與卿計文度忻然而啓藍田述文度述驚喜

成婚女之頑賢更過阿智文度為桓公長史桓

為兒求王女王許諾咨藍田既還藍田愛念

文度雖長大猶抱置膝下文度因言之述大怒

排文度下膝曰兵邠可嫁女與之文度還報云

家中得婚處桓曰吾知矣此尊府君不皆耳後

桓女遂嫁文度兒王氏譜坦之子愷娶桓第二

女女字伯子愷任至丹陽尹

庾翼字稚恭為荊州臨終自表以子園客庾爰

仲直自代朝廷慮其不從命未知所為乃共議

桓温劉恢曰使伊去必能克定荊州恐不可復

至後果如恢言

桓伊字叔夏譙國鉅人父景護將軍伊少有才

藝善音律為劉恢王濛所知有蔡邕柯亭笛常

自吹之王徽之赴召京師泊舟於青溪側伊素

不與徽之相識伊於岸上過舫中客稱伊小字

曰桓王也徽之使人謂伊曰聞君善吹笛試為

我一奏伊時貴顯素聞徽之名便下車踞胡床

作三調弄上車便去主客不交一言一云字子

野也桓公問子野謝安石知萬石必敗何以不

諫子野曰固當出於相難桓作色曰萬石撓弱

凡才有何顏難犯桓野每聞清歌輒換奈何謝

情深公聞之曰子野可謂一往有

桓嗣字祖恭冲之子也小字豹奴人或謂之桓

豹奴是王丹陽王混外甥形似其舅桓甚諱之宣

武云不恒似似耳恒侶是形時似是神桓愈不

悅桓素輕桓崖桓修家在京下有好事玄連

就不遂得佳者玄與殷仲文書曰德之休明肅

慎貢其楛矢如其不爾籬壁間物亦不可得

陶範字道侃第十九子諸子中取知名王脩

齡嘗在東甚貧乏陶胡奴取小為烏程令送一

舟米遺之却不肯取直答語王脩齡若飢自當

就謝仁祖索不須陶胡奴米

袁宏始作東征賦都不道陶公胡奴誘之狹室

中臨以白刃曰先公勲業如是君作東征賦云

何相忽略宏窘蹙無計便云我大道何以云無

因語曰精金百鍊在割能斷功則治民職思靜

亂長鈔之勲為史所讚

江斡字仲愷濟陽人父彪僕射斡歷黃門侍郎

御驃騎諮議王恭請盧奴斡小為長史晨往詣

江江猶在帳中王坐不敢即言良久乃得及江

不應直呼人取酒自飲一碗又不與王王且笑
且言載紀後趙石季龍殺勒子私僭位大饗群
臣於太武殿佛圖澄吟曰殿乎殿乎棘子成林
將壞人衣季龍令發殿石下視之有棘生焉諸
石後為冉閔滅畧盡閔小字棘
石季龍立子邃為太子邃字大淵少而雄惠帝
深愛之及為嗣每顧左右曰馬家父子兄弟自
為殘滅若其不然吾豈有今日如我當有殺阿
鐵理乎鐵邃小字及邃搃百揆荒耽酒色驕恣

無道不堪儲嗣乃廢為庶人邃及張妃男女共
六人其夜賜死合一棺埋之

前燕慕容冲初符堅之滅慕容雋冲妹偽清河

公主年十四有殊色堅納之冲年十二有龍陽

之姿堅又幸之長安歌曰一雌復一雄雙飛入

紫宮咸懼為亂王猛切諫乃出冲長安又謠曰

鳳凰鳳凰止阿房堅曰鳳凰非梧桐不棲非竹

實不食乃各植數千株於阿房以待之冲小字

鳳凰是終為堅賊入止阿房後冲進攻長安堅

城責之曰爾輩群奴正可牧牛羊何為送死冲
曰既狀奴若取爾見代冲竟僭位於阿房
前秦符生之嗣偽位酷暴夜對侍婢曰阿法清河
字王小兄弟亦不可信明當除之是夜清河王符
法夢神人告之曰且將禍集汝門先覺者可以
免之寤而心悸會婢來告乃率壯士數百人潛
入雲龍門符堅率麾下鼓譟生猶昏睡堅眾既
至引生置之別堂廢之為越王俄而殺之符堅
字永固一字文玉小字肩頭祖洪父雄伯父捷

西入關夢天神使者赤冠朱衣拜肩頭為龍驤
將軍捷因為壇於曲沃以授之捷泣謂堅曰汝
祖昔受此號汝為神明所受可不勉歟符生既
殘虐無度堅殺之遂僭號為秦王

後涼呂纂字永緒光庶子殺光長子紹僭即尊
號不君潘太守呂超擅伐鮮卑思盤纂見超奴
曰卿侍兄弟恒欲欺吾也耶要當腰斬然後天下
定超頓首謝曰不敢纂引超及諸州臣燕於內
殿呂隆屢勸纂酒遂至昏醉超取劍擊之洞胸

奔于宣德堂將軍魏益多人斬纂首以徇初纂
與沙門羅什棋殺什曰斫胡奴頭什曰不斫胡
奴頭胡奴斫人頭胡奴起小字竟殺纂驗矣
涼天水太守史稷暴疾而死五旬乃蘇云見涼
光殿中皆生白瓜至秦使梁熙至熙小字白瓜
西涼武昭王李暠字玄盛小字長生後立歆字
士葉玄盛夢為涼公領涼州牧代沮渠蒙遜所
殺士業之未敗也燉煌父老令狐熾家見白頭
翁衣恰識曰南風動吹長木胡桐椎木中轂言

訖不見事業小字桐椎至是乃止

後燕慕容農字厚小字惡奴垂第三子也年九
歲問太史黃紘曰俗稱參相見萬人相食各自
一宿何為如是紘曰昔高辛氏有二子長曰伯
闕主辰次曰實沉主參日尋干戈自相征討后
帝不減使伯闕主辰實沉主參別而離之相見
則爭故代傳言然農曰天有定宿以人甄之而
成憎愛二子之前參辰云何紘不能對垂深奇
之

小名錄卷上

小名錄卷下

平原陸

龜蒙

撰

宋高祖劉裕字德輿小字寄奴

少帝義符小字車兵武帝長子立三年昏悖太

后召群臣廢帝為榮陽王

文帝名義隆小字車兒

武帝第三子立三十年為太子劬元堯所殺

孝帝武駿字休龍小字道民文帝第三子討元

堯立十一年崩

前廢帝子業小字法師孝武長子殘忍無道湘東王或廢之在位一年

明帝或字休炳小字榮期文帝第十一子立七年崩

後廢帝昱字德容融小字慧震明子長子無道
淫虐蕭道成廢之順帝淮字仲謀小字智觀立
三年禪位于齊封汝陰王

廣陵王義真字車士為揚州刺史太后謂帝曰
道隣汝布衣時兄弟宜用為揚州上曰寄奴於

道隣豈有所惜但揚州根本所寄事務至多非
道隣所了太后曰道隣年出五十不如汝十歲
兒也上曰車士雖為刺史事無大小皆由寄奴
道隣年長不親其事則於聽不足太后默然
王愉小字駒晉尚書僕射江右冠族子綏亦有
重名以高祖起自布衣甚忽之裕晚得志悉誅
之准司徒王謐有舊恩雖為桓玄佐命終保持
之不得誅謚後弟湛謂駒無罪義旗誅之比是
剪除勝已以絕民望兄桓氏黨附而名位如此

欲求免得乎謚懼奔于曲附高祖迎還復位
劉穆之字道和小字道民高祖初尅京城謂何
無忌曰急須得一府主簿如何何無忌曰無過
劉道民也。劉秀之小字何秀瑤族叔秀之為丹
陽尹瑤與親故書曰吾家黑面何秀遂居劉安
衆處朝廷不為多士
王鎮惡祖猛父休五月五日生家以俗忌將以
出繼竦宗猛見曰此非嘗兒昔孟嘗君以五月
五日生而將興吾門矣遂名為鎮惡後封博陵

侯進號征虜將軍

白靖小名彌興高祖諱同改稱小字今傳稱白
彌是也

蔡廓常器其小子與親故書曰小兒四歲神器
似可不入非類不與小人遊故以興宗為之名
興為之字

褚渾之小字佛佛高祖以舊功愛之會稽郡有
闕朝議欲蔡廓為之高祖曰彼自是蔡家佳兒
干我何事不如與褚佛佛

傅亮秉政將拜蔡廓為吏部尚書因傳陰闔廓
廓曰若以選事悉付我我則為之不然即不拜
亮語徐羨之曰黃門廊以下當盡委於下蔡徒
不復措手矣以上則共叅同異廓曰我不能與
徐子木羨之署紙尾遂不拜吏部黃紙案吏部
尚書與銀尚書連名故廓云署紙尾
劉敬宣為青州都督諸葛長民招以同叛敬宣
遂遣使呈高祖曰阿壽敬宣正謂不負我也
謝述與劉湛為異常之交湛美甚有風度謂人曰

我見謝道兒未嘗足

道兒述
小字

謝靈運小字客兒初錢塘杜明師夜夢中向有

人來入館是夕即靈運生於會稽旬日而謝玄

止其家以子難得遂送靈運杜治養之十五方

還郡故名曰客兒

明師名吳字不恭性敏悟宗
事正一少叅天師治錄陸納

為尚書年三十患
吳為奏章延至七十

袁粲字景倩父灌早卒祖母哀其幼孤名之曰

敏孫有風操著妙德先生傳以續嵇康高士傳

敏孫少慕荀奉倩為人乃白太祖字景倩

始興王濬字休明將產之夕有鵬鳥鳴於屋上
巫蠱事發上謂潘淑妃曰太子圖貴富更是一
理虎頭字小濬復如此非思慮所及汝女子豈可
一日無我也皆賜死

謝私徵父恩武昌太守從叔峻無子峻以私徵
為嗣本名密妃所係內諱故以字稱為族子靈
運瞻曜並以文義賞會居在烏衣巷謂為烏衣
遊叔父混敬貴之常曰徵子嘗曰阿遠瞻小剛
而負氣阿容博而無檢曜救才而持操不篤善客

不同設後功濟三才終亦以此為恨徵子吾無

間然

王徵字景玄瑯琊人也善屬文能書畫為吏部
郎弟僧謙亦有才幹為太子舍人遇徵疾躬自
處治而謙服藥失度遂卒徵深自咎恨發疾不
治哀痛不已以書告靈曰吾素好醫術不能使
爾得全又尋思不精至此在遇痛酷奈吾罪何
阿謙何圖至此誰復視我誰復憂我他日空各
三光割嗜好以祈年令也唯速化耳後謙四十

日卒

謝靈運解職東歸惠連幼有才悟而輕薄不為父方明所知靈運去永嘉還始寧時方寧^明為會稽郡靈運見惠連大相知賞何長瑜教惠連讀書亦在郡靈運又以為絕倫謂方明日阿連少悟如此而尊以常見遇之何長瑜當今仲宣飴以下客之食尊既不能禮賢宜以長瑜還靈運遂載之而去

劉湛字弘仁小字班虎太祖自豫州長史徵為

太子詹事時彭城王義康權傾中外湛與推崇之無復人臣上稍不平湛初入朝夕引接不夕不出晚節上意稍離而接遇不改上嘗謂所親曰劉班初自西還吾嘗看日早晚慮其當去比入早亦看日早晚慮其不去遷丹陽尹竟伏誅殷景仁與湛俱為太守任遇初相款洽後漸猜隙義康專權而湛昔為上佐以舊情自結傾黜景仁義康隙屬湛諸附款無復歷為殷氏門湛黨劉敬文父成未晤其機詣景仁求郡敬文遽

往謝湛曰老父悖老遂就殷鐵求郡有負生誠
闔門慚懼其姦諂如此阿鐵景仁小字
范曄字蔚宗父泰母如廁產之額為博所傷故
小字博見徐湛之小字仙僮初魯國孔熙有異
才為散騎常待以父點之受義康恩欲伸報德
又以范曄不能得因曄外甥謝綜結曄湛之為
丹陽戶悉約太子送南平王鑠出鎮於武張崗
祖道日作亂而差牙不得發湛之乃上表發之
且以自明及收入獄曄隔壁遙問綜曰始被收

魯

時疑誰所告綜曰不知曄曰徐仙僮也悉伏誅
魯爽小字女生祖宗之南陽郡公宗之子執一
名象齒郎爽之父也爽少有武藝弟秀字天念
才力過爽建中義宣謀反戰飲酒過度敗斬之
劉南陽沮陽人本字坳胡以其顏面坳黑似胡
及長乃單騎為胡出牙郡將捷口善處分稍至
隊主蠻甚畏之小兒啼怖之曰劉胡來便止
陶潛字元亮一字淵明集載責子詩云白髮被
兩鬢肌膚不復實雖有五男兒初不好紙筆阿

舒已十二懶惰故無匹阿宣行志學而不好文
術雍端年十三不識九與七通子垂九齡但覓
棗與栗天運苟如此且進盃中物又載與儼等
疏云告儼侯份脩等云云又有命子詩云三千
之罪後取及成念我呱聞爾泣卜嘉日占亦良
時名爾曰儼字日求思按此儼即字阿舒也
鮑昭字明遠妹字令暉有才思亞於明遠著香
茗賦集行於世
齊高帝名道成字紹伯小字鬪將

世祖皇帝頥字宣遠太祖長子生於建康青溪
宅其夕陳孝后劉昭后同夢龍據因小字曰龍
兒初高祖在府夢着屐上太極殿三人從一人
武帝一人明帝一人張天地圖而不識意言是
梁太祖子弟及踐祚常與梁太祖密宴謂曰我
辛苦得天下而祚不傳孫我死龍子當得龍兒
龍子死當屬阿度玄度此後當還卿子
鬱林王昭業字文尚文惠太子長子小字法身
文惠薨立為皇太孫美容止好隸書世祖勅皇

孫手書不得止出意貴重之嘗呼為法身坐之
主幄別撫問即位不君以罪廢
高宗明皇帝鸞字栖景始安王道生子小字玄
度自宣城王即位
文惠太子長懋字雲喬世祖長子小字白澤
前湘州刺史王蘊太后兄弟有膽力以父指名
宦不達將欲自奮每撫劍曰龍泉太阿知汝我
者叔父景文曰阿谷滅我門戶蘊答曰與童烏
貴踐覺童烏景文子絢小字阿谷蘊小字後與

劉康玄粲謀反王琨祖蒼音衛將軍父憚不慧
初不為娶家以貉婢侍之生琨遂名崑崙憚後
娶南陽樂玄女無子改名琨立以為嗣性清慎
官至侍中長沙威王是宣明太祖第四子有武
力太祖愛之臨崩以是屬世祖是愛武飾罪徐
州私載數百人徙還都為禁司所覺棄之江水
世祖大怒豫章王疑御前稽首涕泣曰是罪誠
不足宥陛下當憶先朝念白象上亦垂泣舍之
白象是小字

武陵昭王曄字宣照太祖第五子母羅氏以罪
誅曄見愛世祖即位曄數以言語忤旨世祖嘗
幸豫章王疑東田宴諸長王獨不能召疑曰風
景殊美今日甚憶武陵上乃令呼之曄善射屢
發命中顧四座曰手如何上神色甚恠疑曰阿
五常日不爾今日可謂仰籍天威帝意乃釋阿
曄小字○鄱陽王鏘字宣韶太祖第七子有寵
於世祖鏘雍容得物情為鬱林心疑高祖諸王
問訊獨留鏘問曰鸞於法身鬱林小字何如鏘曰臣
鸞於宗戚長且受寄先帝臣等年皆少朝廷之
幹唯鸞一人願陛下無以為慮鬱林退謂徐龍
駒曰我欲與公共計取諱公既不同我不能獨
辨且復不聽鬱林為高宗所廢鏘竟不如初高
宗秉府權勢稍異鏘每常屣履奉迎鏘語及家
國言淚俱下鏘以此推信之鏘竟被害
東昏侯潘淑妃小字玉兒帝為潘起神仙永壽
玉殿鑿為蓮花貼地上令潘妃行曰步步生蓮
花常市琥珀釵一隻直百七十萬

劉瓛字子珪沛郡相人晉丹陽尹恢六世孫少
篤學博通五經聚徒教授常有數千性至孝祖
母病疽經年手持膏藥漬指皆爛孔氏甚嚴明
謂所親曰阿稱字瓛小便是今世曾子也謚真蘭
王思遠晏之位弟父羅云平西長史有節操竟
陵王子良薦為吏部郎尚書郎初高宗廢立
之際晏預其謀思遠謂晏曰兄蒙世祖厚恩今
一旦贊人如此事彼或以計相須兄將來何以
自立若及此引決猶可後悔無及晏不納及高

宗即位拜驃騎爵為王遙光勸除之晏集會子
弟謂思微曰陰昌之未阿戎勸吾自裁若從其
語豈有今日思遠遽應曰如阿戎所見猶未晚
耳晏竟誅思遠遷侍中阿戎遠
廬陵王子卿小字烏熊太祖第三子出為南豫
州刺史帝謂司徒竟陵王子良曰烏熊痴如熊
不得天下第一人行事無以厭一州既而曰吾
思得其人矣乃使陸惠曉為長史行事臨別帝
問惠曉曰卿何以輔廬陵王惠曉對曰靜以脩

身儉以養性靜則身不擾儉則民不煩雖庸者
猶當知免况廬陵以帝子之尊耶帝大悅
袁彖字偉才陳郡夏陽人父顛武陵太守少有
風氣好屬文談玄舉秀才歷諸王府參軍不就
顛臨終與兄覲書曰史公才識可喜足懋先基
彖有孝節累遷侍中史公彖小字彖形體充腴有
異於衆每從車騎射雉郊野數人推扶乃能從
張冲字思約吳人冲出繼伯父景胤景胤字攄
父郡小字梨宋文帝戲景胤曰攄何如梨胤荅

曰梨是百果之宗攄何敢及○張敬兒南陽冠
軍人也父醜為郡將母常在田拮拾極倦乃臥
於漬間夢有物如犬子頭有角砥之因感而有
娠故小字狗兒宋明帝以其名鄙攸焉年少使
馬有膽氣好射虎發無不中累以軍功為南陽
守斬柱陽王休範遷雍州刺史驍騎將軍封襄
陽侯狗兒後更名恭而不肯出官嘗居南保村
中與居民不異敬兒竟為世祖所誅
巴東王子嚮為荊州刺史直閣將軍董蠻奴粗

有氣力子嚮要與同行蠻奴曰殿下癩如雷敢
相隨曰子嚮笑曰君敢出此言亦復奇癩上聞
而不悅曰人名蠻奴復何容得蘊藉乃改舒名仲

梁武帝衍字叔達小字練兒

簡文帝諱綱字世讚小字六通

高祖弟
三子

元帝諱繹字世誠高祖第七子小字七符
敬帝方智字惠相世祖第九子小字法真
昭明太子統字德施高祖長子母曰丁貴嬪小
字維摩蕭藻字靖執少立名行志操清潔善屬

文好古體詩高祖每曰子牙並如迦業吾復何

憂累遷尚書左僕射

小字
迦業

豫章王綜初綜母吳淑媛本齊東昏宮人復為

高祖所幸生綜媛常私謂綜曰我齊宮懷汝入

梁七月而生實永元遺體綜深信之密有異志

及為南徐州刺史有練樹並令斫伐之以高祖

名練故也竟以彭城降于索虜

馬仙琕字靈馥小名仙婢長乃改為仙琕善為
將與士卒同勞苦居無帷幕衾屏與廝養取下

者同

任昉字彥升樂安人文章之美冠絕一時官至
太常昉有四子東里西華南容北叟並無學術
墜其家業劉孝標見昉諸子流離不能自振平
生舊交莫有收卹者西華冬月著葛被練裙路
逢峻峻然矜之乃廣朱公妣絕交論到漑見其
論抵几於地終身為恨
柳中禮小字申子故庾信哀江南賦云申子奮
發勇氣咆嘯實惣元戎身先士卒冒落魚門兵

填馬窟屢犯通中頓遭刮骨功業有成身名埋

沒

柳創至於清塘一戰即遭重創

謝覽弟舉與王筠王泰俱有令名時人為之語

曰王有養矩謝有覽舉養矩筠泰小字也

任彥字升壇劉整文謹業齊故西陽內史劉夤

妻范詣臺列訴稱出劉氏三十許年劉氏喪止

撫養孤弱叔郎

恒欲傷害侵奪分前奴教子

伯當又奪寅息遂婢綠草私貨得錢並不分遂

夤弟三息師利去年十月往田上經十二日

便責范米六斗哺食米未辰送忽至戶前隔箔襖奉大罵及進屋中屏風上取專帷淮米去二月九日夜婢採香偷車欄夾伏龍牽范問失物之意整便打急返母并奴婢六人求范屋中高聲大罵婢採香舉手查范臂求月攝檢如訴狀

劉孝綽字孝綽幼聰敏能屬文舅王融深賞異之每言曰天下文章若無我當歸阿士阿士綽小字也父繪友人任昉沈約范雲等皆造之官至秘書監綽少有盛名仗氣負才多所凌忽詞藻為當時所宗每作一篇朝成暮遍傳寫絕域綽弟姪群從七十人皆善文近古未之有也有三妹嫁王叔英張乘徐排皆有才學排妻尤為清拔也昭明太子好文士常遊宴玄圃執王筠袖撫孝綽目曰可謂左挹浮丘扶右拍洪崖肩其見重如此

羊侃字祖忻少瑰偉身長七尺八寸愛文雅博涉書記門弓至十石嘗於兗州見廟墻直上至

五尋橫行七迹性豪侈善音律自造採蓮歌甚
有新致姬妾列倚窮極侈靡有彈箏人名大善
着鹿角爪長七寸舞人張靜琬腰圍一尺六寸
時人咸推能掌上舞又有孫景玉能反腰帖地
銜得簾上玉簪大同中魏使楊裴同宴賓客三
百餘人皆金雜寶食器奏三部女樂至夕侍百
餘人皆執金花燭侶不飲酒而好賓遊終日獻
酬同其醒醉

陳高祖霸先字興國小字法生吳興長城人漢

太丘長寔之後也

廢帝伯宗字奉業小字藥王世祖長子也立位
弱無人君體太后廢為臨海王

高宗宣帝頊字紹世小字師利始興王第二子
身長八尺二寸手垂過膝嘗張燈夜寢見者乃
是大龍無不驚走避於他室世祖踐祚封安城
王及廢帝乃即帝位梁大同二年梁元帝高祖
入侍累遷中書侍郎永定二年襲封始興王十
四年崩遺制以瓦器葬寧顯陵廟號高宗

後主叔寶字元秀小字黃奴宣帝長子立而嗜
酒賦詩不恤國事工文為長夜之飲常在後庭
任用中書舍人沈容卿等又起臨春結綺望仙
三閣華麗侈靡自古未有隨晉王入臺城百萬
之衆不戰而亡

司馬高字文叔河內溫人也幼有志性十二丁
內艱水漿不入口殆將一旬梁帝見高羸瘦謂
其父子產曰非見羅兒傷其憔悴使人惻然便
是不墮家風有子矣羅兒高小字

徐陵字孝穆橘之子幼聰敏善屬文為兒時沙
門寶誌見之驚曰天上麒麟何因至此因小字
僧悅陵母臧氏嘗夢五色雲化為鳳集左肩上
已而誕陵陵自有青睛時人以為聰惠之相自
有陳創業文檄及禪授詔策皆陵所作為一代
文宗子份九歲作夢賦陵見之語所親曰吾幼
時屬文亦不如此

任忠字奉誠小字蠻奴汝陰人少孤微不為鄉
里所重及長譎多計後累以戰功進鎮南將軍

及隋兵入忠出戰敗入見後主啓云陛下唯當
具舟楫上流群臣以死衛後主信之時隋將韓
擒虎自雜林入忠乃降隨軍入南掖門入長安
授開府卒

周文育字景德義興人本姓頓名猛奴居新安
壽昌里年十一能游反復數里跳高五六尺與
群兒聚戲莫能及者周會為壽昌浦口戍主見
而竒之乞為己子請周舍為製名字命兄子私
讓教之書計文育曰誰能學此取富貴有大槩

耳讓壯之乃教騎射從高祖破侯景累功為鎮
南將軍

韓子字高會稽人世祖時為吳興守高年十六
為惣角容貌美麗狀似婦人世祖見而問之能
事我乎高許諾本名蠻子世祖改之執備身刀
世祖寵之

後魏元父字伯携小字長义父妻林太后之妹
太后臨朝以父妹夫除通直郎常侍妻封馮翊
君拜女侍郎父以此意勢日盛遷侍中加領軍

既在門下兼惣禁軍深為太后所信太傅清河
王澤親賢輔政後太后寵稍薄因解侍中除民
初咸陽王禧以逆見誅子樹奔梁梁封為鄴王
及义擅權樹乃遺魏公卿書曰元义本名夜义
元羅本名羅刹夜义羅刹此鬼食人非遇黑風
事同飄墮嗚呼魏景惟此二災昆季此名必能
噬物未幾有人告义謀得其手書並賜死
游雅字伯度小字黃頭廣平任人也太武時與
渤海高允俱知名徵拜中書博士雅性剛彥好
矜誕凌獵人物高允重雅文輕允才不以為恨
允將婚邢氏雅勸允婚其族允不從雅曰人貴
河間邢不勝廣平游人自弃伯度我自敬黃頭
貴已賤人皆此類也

小名錄卷下

此後穀卷于... 太后所信... 王澤親... 細... 及人... 九... 貴... 何... 大... 萬曆二十六年... 在北... 買書... 自... 自... 必... 必... 必...

萬曆二十六年... 在北... 買書...





素
二
念

素

